

NGA LUTENDO, MUSHE

 Ndi a ni livhuwa, Murathu Neville. Ndi matsheloni, vhatu. Ndi zwavhuđi u vha fhano ḥamusi thaberenakele. Huno ndo elekanya uri khamusi arali ndo wana Murathu Neville uri a ambe matsheloni ano, nne ndi do lingedza madekwana a namusi. Huno zwenezwo ndo vha ndi tshi khou sedza murahu-ha kha ngudo ya tshikolo tsha Swondaha tsha ano matsheloni. Huno mini... Murena a tshi funa, ri do lingedza u-u vha na iyi ngudo ya tshikolo tsha Swondaha.

² Zwino, ho no fhela vhege mbili zwino, dzi no ḥodou ralo, tshee nda dzhena. Huno ndo vha ndi na mazhuluzhulu vhunga no p̄fesesa, uri, tsimuni, zwa vhukuma ndo pfa, ndi si tsha kona zwa vhukuma huno nda kundelwa u bvela phanda. Huno zwenezwo nda tea u dzhena ngomu uri ndi awele zwițku. Huno ndo dzhia maduvha a no ḥodou swika mararu u ya ngei Wolf Creek Dam, fhasi ngei Kentucky, he nda bebelwa hone. Nda elekanya, “Oo, ndi tou pfa ndi wavhuđi zwino. Ndo takala.”

³ Huno nda humela hayani, huno tshithu tshițku tsha u thoma tshe tsha livhana na nne tshifhaļuwoni tsho vha tshi luňwe lushaka lwa fhungo la muvhuso la muthelo wa mbuelo. Nda ya ndilani yothe fhasi hafhu. Ngauralo nda ṭalukanya uri zwi khou yo dzhia u fhira vhege zwayo kana mbili u nnyawedza.

⁴ Huno mushumo wanga u khou ḥoda u ita tshanduko zwino. Huno a thi na mitangano yo dzudzanyiwaho. Huno izwo ndi ngazwo ndi tshi sokou da nga thungo, huno nda elekanya, huno zwino lwa vhege dzi si gathi dzi tevhelaho, ndi do tou awela, u awela tshothe, huno nda lindela Murena.

⁵ Huno vhunzhi hanu vhatu ngomu hafha, vhane na vha vhadzia-tshenzhemo, vhe na vha na riňe lwa tshifhinga tshilapfu, ni a elelwa zwe Murena a ri vhudza zwone. Tshifhinga tshothe O ita izwo zwe A ri U do zwi ita.

⁶ Elelwani, musi ngei mathomonithomoni, tshivhidzoni hafha, nga matsheloni e ra vhea tombo la thaberenakele, nga ndila ye A... Zwo ńwaliwa, na tombo li tshi vhewa ngomu, kha siaťari la u thoma la Bivhili yanga. Nga ayo matsheloni, ilo bono lihulwane, la ri, “Iyi a si thaberenakele yau.”

⁷ Nda ri, “Naa i ngafhi, Murena?” Huno A nnzudza fhasi ha lutombo. Huno Ipfi la da. Huno nda sedza huno nda vhona izwo zwifhambano zwiraru, vhunga, miri na mitshelo yayo, na zwiňwe-vho. Ni a divha zwine bono la vha zwone. Lo ńwaliwa, lwa miňwaha.

⁸ Ndi tshi doba, nga liňwe ḫuvha, bugu ya kale ngei n̄ha, ndi tshi vhala zwiňwe zwa zwithu zwe Murena a amba, a

bvumba; zwe no di khunyelela. Nga ha izwi zwithu zwa vhaswa, na nga ha ndila ine nndwa ya do vha hone, huno izwo zwithu zwe the zwe bvelela.

⁹ Ho tou sala zwithu zwivhili, kha tshithihi tsha izwo zwiporofito zwi hulwane. Izwo ndi, zwa mimodoro i tshi vha badani nga ndango ya rimouthu, i tshi nga gumba, tshi re hone fhedzi a ni i tshimbidzi. I a dilanga. Huno zwenezwo hu do vha na musadzi muhulwane a no takuwa, ngauri Amerika ndi lushaka lwa musadzi. Huno li do... Musadzi muhulwane u do takuwa, huno a vha Muphresidennde kana tshiñwe tshithu tshi no nga tshenetsho, kha lushaka. Huno zwenezwo hu do da mutshinyalo wa tshothe. Lushaka lwothe lu do thuthekanywa.

¹⁰ Huno, izwo, ndi a bula... Zwino izwi a si zwine Murena a khou zwi amba. (Linwe, nga ha musadzi, ndi, Murena.) Fhedzi ndo bula, nga 1933, uri shango li do tangana na mutshinyalo wa tshothe phanqa ha '77.

¹¹ Ngauralo, a tho ngo zwi divha nga tshifhinga itsho uri vha na tshiñwe tshithu tshine tshi nga kona u li tshinyadza vhunga tshine vha vha natsho zwino, fhedzi ndo vhona lushaka lu kha mutshinyalo wa tshothe, hu tshi tou vha zwiguthe zwa miri na zwithu zwi no nga zwenezwo, zwe salaho.

¹² Ngauralo, u badani yawo. Huno arali izwi zwiñwe zwithu zwe the zwe no khunyelela vhunga O amba, izwo na zwone zwi do ralo; huno vhunga O amba Luñwaloni hafha, zwine A amba. Arali Kristo o da lwa u thoma, U do da lwa vhuvhili. Huno zwithu zwe the zwe A amba zwi do khunyelela. Huno nga tshifhinga tshi re tshone ndi tshi vhona izwi, nahone ndi tshi divha uri ri... nomboro yashu i tsini na u vhidzwa, sa lushaka, ri tshi divha uri Tshivhidzo tshi tsini na u dzhia U Takulelwa Tađulu Hatsho. Zwi sudzulusa mbilu ya mushumeli, kana muiwe wa mirađo-vho, u divha uri ri kha lino duvha na tshifhinga tshine ra khou tshila khatsho. Ndi tshifhinga tshihulwanesa tshe muñwe muthu-vho a vhuya a tshila kha lifhasi, ndi tsha zwino; itsho ndi, tsha Tshivhidzo. Ngauralo, zwa vhukuma ndi lila thabelo dzañu.

¹³ Huno zwenezwo nda vhona thaberenakejeni, nahone nda vhona uri vho vha vhe na... vho vha tshi khou yo vha na dziñwe khetho na tshiñwe na tshiñwe, tshihidzoni, dza vhañwe vha bodo na zwiñwe-vho.

¹⁴ Huno—huno tshihidzo tsho toda muñangano muñuku, u dzikuswa huñuku. Huno tshifhinga tshothe no vha vha vhulenda kha nne, nahone na mphat hutshedza. Huno nga u vha hanga fhano, hu vhonala ho vha hu phat hutshedzo kha inwi. Huno ndi na ngoho, u vha na inwi, ho vha hu phat hutshedzo kha nne. Huno tshifhinga tshothe no tanganedza uri zwe nda zwi amba ndi Ngoho, vhunga ndo i vhona nga kha Mudzimu. Huno ndi—ndi a zwi takalela izwo.

¹⁵ Ngauralo zwenezwo, nda dzhena ngomu, huno zwenezwo nda vha ndi wa u wanulusa, na u ita uri tshivhidzo tshashu tshi lulamiswe, kha bodo dzatsho, nahone zwenezwo u itela dzikhetho na zwiñwe-vho. Huno zwenezwo—zwenezwo, nda elekanya, nga murahu ha izwo, nda bvela nn̄da huno nda awela zwiñku ndi sa athu humela murahu tsimuni hafhu.

¹⁶ Kha zwi vhe zwañu ni nothe. Zwino, a si zwa vhannda. Ndi zwa iyi thaberenakele. Ri ḥoda muñgano na iyi thaberenakele, u itela uri tshiñwe na tshiñwe, na khakho iñwe na iñwe, zwithu zwothe zwe zwa vha zwi tshi khou bvelela, nahone khamusi vhudipfi vhūñku vhu bvaho kha muñwe u ya kha muñwe; avho, ndi khou yo wana muñwe na muñwe wavho huno nda vha disa vha livhana tshifhañuwo na tshifhañuwo. Ngauralo arali ni sa ḥodi u livhana nazwo, ndi khwine ni tshi tuwa kha lino shango; ngauri ni khou ña u livhana nazwo tshifhañuwo na tshifhañuwo na tshipida tshiñwe na tshiñwe tshazwo, vhunga ro vha ri tshi anzela u zwi ita fhanu kha thaberenakele. Na uri zwothe zwi lugiswe, ngauri ri vhakomana na dzikhaladzi vho ñwataho tshilalelo, Muvhili wa Kristo, kha tafula ya dziphathutshedzo. Huno a si tshithu nn̄dani ha Diabolo a no ño ita tshiñwe tshithu tshi no ño vha tsho khakheaho, nahone tsha vhanga vhudipfi, kana tsha kherukanya, kana tshiñwe tshithu tshi no nga tshenetsho. Huno ndi khou dzhia Murathu Neville washu, huno ri khou ya fhethu na fhethu, huno ra disa vhathu kha vhathu, fhethu huthihi, u swika thaberenakele ya kale yo no vhuya, yo no imiswa hafhu, nga milenzhe yayo, u tuwa nayo u itela Muyhuso wa Mudzimu. Zwino, itshi ndi, tsho itisaho uri ndi ambe izwi, ndi ngauri i na tshigwada tshiñku tshashu fhanu matsheloni ano.

¹⁷ Huno zwino ndi khou yo awela, huno nda vhuya nga u tou t̄avhanya u ya nga hune nda kona. Zwenezwo ndi lavhelela u ya tsimuni hafhu. Huno nga tshino tshifhinga, Murena a tshi funa, ndi ḥoda u dzhia zwiñku zwe ra kuvhanganya kha zwikwama, na zwiñwe-vho, zwa nne mune, nn̄da kha...iyi mbekanyamushumo ya vhurumiwa vhusili. Huno nda ñiwanelu dennde ntswa, na tshiñwe tshishumiswa tshiswa, huno nda thoma tsimuni. Hu si u bva kha tshivhidzo u ya kha tshivhidzo, fhedzi u dzhena kha miñgano yashu.

¹⁸ Zwino, hu si u dzhieila fhasi vharathu vhe vha nthamba, zwine zwa vha uri ndi zwavhuñi. Fhedzi minzhisa yayo, ni a wanulusa uri idzi khuvhangano, vha amba zwauri ni khou yo vha henengei, huno zwenezwo khonani dzanu dzothe dzi a dzhena, huno zwenezwo hu na u humbela hunžhisa huhulu ha tshelede. Hu tou ñisela avho vhathu ndozwo. Ndi khou tou thoma u wanulusa izwo, ni a vhona. Ngauralo izwo a—izwo a zwo ngo luga. Ri ḥoda u vha na fhethu hune ri nga vha disa hone. Inwi a ni tei u ñisa tshelede yañu. Itonu ña, inwi muñe, huno—huno ni shumele Murena. Ni a vhona? Huno ngauralo zwino...

¹⁹ Huno mushumo wanga wo no dzhia tshanduko zwa zwino. Inwi ni a elelwa musi ndi tshi anzela u dzhia tshan̄a tsha muthu, huno nda sokou ima heneffo, huno Murena a mmbudza uri vhuleme havho ho vha hu mini. Ha pfi, "Zwenezwo zwi do khunyelela, ni divha tshipphiri tsha mbilu ya vhathu." Muñwe na muñwe wañu u a divha uri izwo two bvelela nga ndila yo fhelelaho ye A zwi amba. Zwino ili ndi ligi li tevhelaho, lo no porofitiwaho nahone la bvumbiwa, line la do vha kule nga maanda ha liñwe Lao-vho, ni a vhona. Huno li heneffha zwino kha tshanduko.

²⁰ Huno izwo ndi ngazwo Sathane a tshi lwa na nne nga muthelo wa mbuelo, a tshi khou lingedza u mmbudza, muvhuso, uri ndi koloda muthelo wa mbuelo kha peni iñwe na iñwe ye nda i dzhia, sa mushumeli, u bva kha miñwaha ya fumisumbe yo fhiraho, ndo dzhena mushumoni. A two ngo ralo, ngauri yo fhira nga kha tshivhidzo fhano.

²¹ Nñe ndi mulangandaka wa tshino tshivhidzo. Izwo ndi zwone kokotolo. Zwi kha rekhodo hafha. Ngauralo, zwenezwo, nñe arali ndi mufaragwama wa vhulangandaka ha tshino tshivhidzo, zwenezwo a hu na tshithu shangoni... Muvhuso a u na mushumo nazwo. A vha khou vhudzisesa tshivhidzo. Vha khou vhudzisesa nñe ndi mufaragwama wa tshivhidzo. Huno vhalangandaka vho saina bammbiri i re ngei banngani, ya uri zwikwama zwanga zweithe... Vhudzuloni ha u vha na mutheo wanga, ndo zwi fhirisa nga kha tshivhidzo tshanga fhano, ngauri tshone a hu na iñwe ndila ndi mutheo, naho two ralo.

²² Huno u ita izwo, zwi nthusa uri ndi si tsha dzulela u shavha tshivhidzoni na u tshi tutshela, na u ya nn̄da huno ndi si tshithu fhano. Nga murahu ha musi ndo fulufhedzisa vhathu uri ndi do vhuya tshivhidzoni, tshifhinga na tshifhinga, huno nda vha thusa. Izwo ndi ngazwo ndo i vhulunga nga u ralo, ngauri ndo ita pfufuhedziso kha inwi vhathu. Ndi ngazwo ndi tshi dzula nazwo nga iyo ndila, vhudzuloni ha u vha na muthu. Zwenezwo, arali ni tshi ita izwo, zwi tshi posela kha dzangano. Huno nne ndi lwa ndo khwañha na dzangano. Ngauralo ndi—ndi do tshi vhulunga nga ndila ine tsha vha ngayo, zwandani zwa Mudzimu, uri ri kone u bvela phan̄a ri tshi itela Muvhuso wa Mudzimu.

²³ Zwino, matsheloni ano, ri todou guda ili Ipfi lo fhañutshedzwaho la kale, huno ra tenda.

²⁴ Zwino, ndi todou u amba, na nñe-vho, ndi vhona Mukomana Egan na vhanzhi, vhañwe vha vhalangandaka vho dzulaho hafha. Nga murahu ha musi ro no vha na muñgano washu wa ndaka, vhuñwe vhusiku; ndi ngoho, nñe vhathuni phan̄a ha tshivhidzo, uri muñwe na muñwe wañu nothe a ni tsha vha vhalangandaka vho vhe—vhewaho. Ni vhalangandaka vho nangiwaho, huno dzina lanu li kha dzibugu. Zwo luga.

²⁵ Huno zwino vha khou yo vha na dzińwe khetho dzo engedzeaho dza—dza madikoni, na vhańwe-vho. Huno Murathu Neville, u do vha a tshi khou vhidza avho nga u ḥavhanya nga murahu ha iyi tshumelo, zwo luga, na u itela mufaragwama na vhańwe-vho, ri tshi vhekanya tshivhidzo. Itani uri, zweathe nga hatsho, zwi luge, zwenezwo ri nga vha na mvuseledzo i tshi da.

²⁶ Zwino, ri sa athu humela murahu kha masiatari hafha, u itela ngudo ya tshikolo tshashu tsha Swondaha, kha ili Ipfi lihulwane la Mudzimu a tshilaho; kha ri tou kotamisa zwifhańtwo zwashu, lwa zwifhinga zwi si gathi, ri tshi amba na Muńwali wa ino Bugu. Huno zwino vheani thungo muhumbulo muńwe na muńwe, tshińwe na tshińwe tsho fhambanaho, u ni thivhela u vha na phańutshedzo.

Kha ri rabele.

²⁷ Mudzimu mukhethwa nga maandesa nahone o lugaho, ri dzhena Vhuhoneni vhu huliseaho ho fhańutshedzwaho Hau zwino, ri tshi nekedza matshilo ashu ha Iwe, na mimuya yashu—yashu, na mivhili yashu, na tshumelo dzashu, na mpho dzashu. Huno zweathe zwine ra vha nazwo, ri zwi disa kha Iwe. Huno U tshi khou ri sedza, Murena, arali hu na tshińwe tshivhi-vho tshi re fhedzi nahone tshi songo buliwaloh, ri do U humbela, Oo Murena Mudzimu, uri U do shumisa Malofha a Murwa Wau, Yesu, fhetu ho raloho. Ngauri, ri tshi ḥalukanya uri kha rińe vhanę ri vha songo edanaho, nahone hu na u sa konadzea kha rińe u vhuja ra dibveledza phanda. Fhedzi ri ditika tshothe nga Malofha Awe a vhuńhogwa, na tshilidzi Tshawe u shuma kha vhuńifari hashu, uri rińe vhaftazwivhi vha songo fanelaho ri kone u da ri na tshivhindi ḥinwe ḥuvha ngomu Vhuhoneni Hau, ri tshi disa phanda hashu aya Malofha a Murena Yesu. E, Iwe, zwifhingani zwo fhiraho, wa a limuwa uri ndi Malofha a Murwa Wau mubebwa-e-ethe, huno wo ita pfulufhedziso, ya uri, “Nga kha Ene, arali ri tshi bula zwivhi zwashu, ri do itwa vho lugaho nga tshilidzi Tshawe.”

²⁸ Huno zwino ri do humbela, Murena, uri U do ri hangwela inwe khakho-vho, tshińwe tshivhi-vho tsha vhukhakhi kana u sa ita, u pfuka, uri arali muńwe muhumbulo-vho muvhi wo thavha myua washu, nga misevhe i dugaho ya Diabolo, uri U do pandela ili swina lińhi Lau, na la vhathe Vhau.

²⁹ Huno ri do humbela uri U do rumela Muya Mukhethwa u fara Ipfi nga tshino tshifhinga, ri tshi dinékedza sa zwishumiswa, uri U do amba nga kha rińe, nahone wa pfa nga kha rińe, Ipfi Lau. Huno ngavhe rińe ngavhuya ri tshi Li ḥanganedza sa li bvaho ha Iwe, huno ra ḥutshela fhano fhetu, ḥamus, ri tshi pfa uri ro dzudzanyelwa hafhu kha ndivho ya Kristo; uri ri kone u vha vho teaho tshumelo ya madekwana a ḥamus na matshelo lwa khwine, nga nthani ha u dalelwa nga Muya Mukhethwa.

³⁰ Fhaṭutshedza vharathu vhashu huńwe na huńwe, zwivhidzo shangoni lōthe, vho faresaho Ipfi la Vhutshilo kha lino duvha livhi. Ri pfa uri a hu na tshifhinga tshinzhi tsho salaho tsha u shuma, ngauri vhusiku vhu khou da nga u ḥavhanya. Makole a nndwa a khou papamala hafhu. Vhuvhi vhu tsini, huno ri rabela uri U do ri tendela u shuma u fhira u rangani. Awedza mivhili yashu yo netaho, Murena, huno u ri rumele murahu nndwani. Ngauri ri zwi humbelu nga Dzina la Murena Yesu, nahone u itela Ene ri a rabela. Amene.

³¹ Ri tshi vula, matsheloni ano, Bivhili, kha ndi—ndima ya 11 ya Bugu ya Vhaheberu.

³² Vhusiku ha ḥavhurarū ro vha ri tshi khou amba nga ha ndima ya 7 ya Bugu ya Vhaheberu, ya “Melkitsedeke, e a si na khotsi, nahone a si na mme, a si na mathomo a mađuvha, kana u guma ha vhutshilo.”

³³ Huno nda elekanya, khamusi, matsheloni ano, zwi do vha zwi ḥanganedzeaho u vula hafhu iyi Bugu i mangadzaho, hu uri ri na zwińwe nga ha zwine ra tama u amba, kha mbalo dza u ranga. Huno ri tshi pfuka ndima ya 10, na ndima ya 9, dzine dza vha milayo ya tshithavhelo, ri do dzhena fhethu ha “lutendo.” Huno hafha Buguni ya Vhaheberu, ndima ya 11, nahone ri tshi thoma nga ndimana ya 23, ri I vhalu ngaurali.

*Nga lutendo Mushe, musi o bebwa, a dzumbiwa
lwa mińwedzi miraru nga vhabebe vhwae, ngauri vho
vhona e ńwana o teaho; huno vho vha vha sa ofhi
mulayo wa khosi.*

*Nga lutendo Mushe, musi o no vha wa mińwaha, a
hana u vhidzwa murwa wa ńwananyana wa Farao;*

*A dinangela u tambula yone thambulo na vhathe vha
Mudzimu, u fhira u diphina nga madakalo a tshivhi
lwa khalańwaha;*

*A dzhieila nthia u nyadziwa ha Kristo hu lupfumo
luhulwane u fhira madzanga a Egipita:...huno a vha
na u ńnewa kha malamba.*

*Nga lutendo a furalela la Egipita, a sa ofhi mbiti
dza khosi: ngauri a kondélela, sa a vhonaho uyo a sa
vhonwi.*

³⁴ Ndi toda u dzhia thoho, matsheloni ano, “u nanga nga lutendo.” Huno ndi ḥodou dzhia u itela lińwalwa, maipfi mararu a u thoma a ndima ya 23, “*Nga Lutendo, Mushe.*” Huno, “u nanga nga lutendo,” nga maandesa tshińwe na tshińwe tshire ra ita, ri tea u nanga nga lutendo. Huno zweṭhe zwine ra zwi wana zwe Mushe a ita, zwe fanelaho u dovhoholwa, zwe vha zwi nga lutendo; hu si nga u vhon, fhedzi nga lutendo.

³⁵ Huno tsho itisaho uri ndi nange izwi matsheloni ano, u itela tshividzo kha itshi tshiimo, ho vha uri kha zwashu...

na zwikolo zwashu, na u mona hothe, ro vha ri na zwinzhi nga maanda zwa pfunzo ya saintsı. Nga ḥwambo wa izwi, ro kokodzela vhathu kule ha lutendo. Zwino, lutendo a lu sumbedzwi nga saintsı. Lutendo ndi tshine saintsı ya sa tshi vhone. Huno riñe... Arali ra vhuya ra xedza ulu lutendo luhulwane, zwenezwo ri swiswini tshothe, zwi... a hu londwi uri ro funzea zwavhudı hani, nga ndila ine ri nga kona u ḥalutshedza Ipfi la Mudzimu, uri li fanele ndila yashu ya u tenda.

³⁶ A hu na ndila ya u takadza Mudzimu: ndi nga lutendo fhedzi. Luñwalo lu a zwi amba zwi khagala nga iyo ndila, huno ndi nga lutendo. “Huno hu si na lutendo,” lu ralo Luñwalo, “a zwi konadzei u takadza Mudzimu.”

³⁷ Ngauralo, arali lutendo lu sa tendelani na saintsı, huno saintsı i sa tendelani na lutendo, izwo zwi zwi vhea lu—lumemeni lwazwo, zwenezwo ri fanelu nanga sa Mushe o ita. Nga lutendo ri a tenda!

³⁸ Zwino, arali ri tshi xedza lutendo, zwenezwo na kathihi ri nga si ite uri thabelo i fhindulwe nga Mudzimu. “Ngauri uyo a no da ha Mudzimu u fanelu u thoma a tenda uri U hone, huno ndi mupfufhi wa avho vha no Mu ḥoda vho difunga.” Ngauralo, arali ri tshi xedza lutendo, thabelo dzashu a dži vhalivi; a ri yi fhethu.

³⁹ Ngauralo ndi zweþe zwine ri nga zwi elekanya, matsheloni ano, ndi u farelela kha lutendo. Zwenezwo, arali ri tshi xedza lutendo, mafulufhelo ashu oþe ha tsheeho. Nahone arali ra xedza lutendo, vhukuma ha myua hashu hoþe a hu tsheeho. Ngauri, ni nga si kone u vha na lutendo kha zwithu zwine na zwi vhona, ngauri zwithu zwine na zwi vhona zweþe zwi a lovha.

⁴⁰ Arali ri tshi sedza muñwe muthu muhulwane, mushumeli muhulwane, kana tshivhidzo tshihulwane, zweþe zwi do lovha, liñwe duvha. Nahone arali ri tshi sedza lushaka luhulwane, kana tshithavhani tshihulwane, zweþe zwi do lovha, liñwe duvha. Huno zwenezwo ri fanelu u tshila nga lutendo, lwa izwo zwithu zwine saintsı ya sa zwi divhadze. Ndi nga lutendo ri tshi tenda.

⁴¹ Zwino, ri xedza vhugala hashu arali ri tshi xedza lutendo. Zwino, arali ri tshi ḥutshela kule ha lutendo, zwenezwo ri džhenisa tshivhidzo fhethu ha ndivho.

⁴² Huno zwifhinga zwinzhi, two elekanyiwa, vhukati ha vhathu, zwauri ngauri tshivhidzo tsho vha tshi tshihulwane, nahone vho vha vhe na zwivhidzo zwihulwane, tshiuludza tshihulwane, na vhathu vhahulwane, vhanzhi vho ambaraho zwavhudı nahone vha vhonala vhe vhavhudı, na tshelede nnzhi, lwe vha kona u vha na tshithu tsho raloho, riñe, zwifhinga zwinzhi, ro elekanya uri izwo two vha zwi tshi ḥutuwedza, uri itsi tshiñwe tshivhidzo tshi fanelu u ḥutuwedzwa. Kana, kanzhi ro zwi livhissa kha vhashumeli vho fhambanaho vha no bvela nn̄da tsimuni huno vha vha

na khuvhangano khulwane dza magogo, huno ra elekanya, tshiñwe tshifhinga, uri ndi zwone zwiga zwa thuthuwedzo. Fhedzi izwo a si ngoho tshothe. Iyo ndi thuthuwedzo ya muthu.

⁴³ Fhedzi thuthuwedzo ya vhukuma i ða nga u ita lufuno lwa Mudzimu. Ni a vhona? Kana ndi muthihi, kana tshidalatshanda fhedzi. Kana ndi tshivhidzo tshihulu, kana tshivhidzo tshiñuku, a hu na thaidzo. Kana ndi ene tshiambi tshihulwane, tshi konaho u amba, kana munna zwawe a sa ñivhi ABC dzawe, a hu na thaidzo. Zwi ya na nga mulaedza une ene a khou u ñisa, uri kana wo tujuwedzwa nga Ipfi ja Mudzimu.

⁴⁴ Kana, naa wo tujuwedzwa nga mihibulo ya ñivho ya thuthuwedzo ya muthu? Vhaiñe vhatu vha a kona u tujuwedzwa nga nthani ha tshiambi tshi konaho u amba. Izwo a zwi zwi iti uri zwi vhe zwe lugaho. Nga tshiñwe tshifhinga vha a tujuwedzwa nga nthani ha uri uyo munna o pfumbudzwa nga maända lune a kona u pfukisa muhumbulo wawe. Izwo a zwi ambi zwauri izwo ndi zwa Mudzimu. Ni a vhona?

⁴⁵ Ndi nga Ipfi ja Mudzimu ja lini na lini fhedzi, ja U Ya Nga Hu Sa Fheli jo fhañutshedzwaho, hune ri nga tanganedza thuthuwedzo, huno iyo i newa nga Muya Mukhethwa. Nga lutendo ri a i tanganedza.

⁴⁶ Zwino ri ðo elekanya nga ha Mushe, na itshi tshifhinga tshihulwane tsha vhutshilo hawe. Huno ri a vhala murahu, nga ha mabebo awe, uri Mudzimu o mu londa hani, fhedzi hu ða tshifhinga vhutshiloni ha Mushe he ha ðo tea u vha na tshifhinga tsha u nanga. Arali ri tshi vhala nga ndila yone, ri wanulusa uri o vha e murwa wa ñwananyana wa Farao, huno o vha e muñaifa kha khulunoni, huno o vha a tshi ðo vha o vha farao a tevhelaho kha ja Egipita. Ngauralo o vha a tshi ðo dzhiela nzhele a tshi sedza u mona hoþe, musi o no aluwa nahone e na vhudifhinduleli, huno ho vha hu tshi ðo vha na idzo phuli dzi no khou shuma nnda milindini ya mambwetete. Huno Mushe, a tshi sedza nga mafasiþere a pfamo, kha phûli dzenedzo nthihi dze Farao a dzi sedza, fhedzi ho vha hu na phambano nzani kha u sedza.

⁴⁷ Ndi toda u tea uyo muhumbulo, matsheloni ano, lwa miniti i si gathi, huno ngavhe Mudzimu wa Taðulo a tshi u swikisa kha mbilu iñwe na iñwe fhano. Ndi nga ndila ine na sedza tshiñwe tshithu, zwine zwa ita phambano.

⁴⁸ Muevengeli muhulwane, John Sprawl, we a vha e murembuluwi wa mushumo wa Mukomana Bosworth, ane vhunzhi hanu na mu elelwa miñwaha yo fhiraho, wa Old Glory Barn. O amba, iñwe ñuvha a tshi khou fara lwendo, phanda ha lufu lwa thama na mufumakadzi wawe a funwaho. Vho vha vhe ngei La Salle Lorrances, France. Huno ndo ðo vha na pfanelo ya u dalela heneþho fhethu huthihi. Huno mueneddzi o vha a tshi khou vha bvisa a vha dzhenisa dzingadeni, huno

a tshi vha sumbedza zwithu zwe fhambanaho. Huno vha swika kha tshiñwe tshitatshiu tsha Murena Yesu, u vhambwa. Huno Vho-Sprawl vha vha vho ima, vho tshi sedza, vhone na mufumakadzi wavho, nahone, mbiluni dzavho, vho vha tshi khou sasaladza zwe muoli a vha e nazwo thalukanyoni, kana muvhadaive, kha ndi ralo, musi a tshi kora tombo, tshithu tsho raloho tshi vhonala tshi ofhisia uri tshi imele thambulo na lufuno na u pfela vhuñgungu ha Murena Yesu, na ndila ye ja vha li tshi vhonala li songo kulutedzwa tshothe nahone lo remekanywa. Huno muendedzi a da kha Vho-Sprawl, huno a ri, “Mune wanga, ndi dzhia zwauri vha khou sasaladza itshi tshitatshiu tsha Murena Yesu.”

Huno vha ri, “Ndi ralo.”

⁴⁹ Huno a ri, “A thi mangali na zwiñku, ngauri vhathu vhanzhisa vhane vha tshi sedza, lwa u thoma, vha a tshi sasaladza.”

⁵⁰ Huno Vho-Sprawl vha ri, “Mulandu, a thi koni u vhona huñwe u pfela vhuñgungu-vho kana inwe thuthuwedzo-vho nga u sedza tshithu tsho raloho, ngauralo nne ndi khou mangala uri ndi ngani muvhadaive o tshi ita ngaurali.”

⁵¹ “Huno muvhadaive...” Ha pfi, “Vho-Sprawl, itshi tshitatshiu tsho luga tshothe, nahone muvhadaive o vha e na tshithu tshi re tshone thalukanyoni yawe. Fhedzi hune vhuleme ha vha hone, vhu kha vhone. Ndi ndila ine vha khou tshi sedza ngayo.” Huno a vha dzhia na mufumakadzi wavho nga tshanda, huno a vha isa fhasi kha alitari milenzheni ya itshi tshifhambano tsho ambiwaho. Huno a ri, “Zwino, Vho-Sprawl, kha vha sedze nthia zwino.” Huno musi vha tshi sedza nthia, vha ri mbilu yavho yo todou vha kundela. Yo vha i phambano nzani, u ima henefho huno na tshi sedza nga iyo ndila, na u tsela fhasi huno na tshi sedza nga ndila ye tsha vha tsho itwa uri tshi sedzee ngayo.

⁵² Huno iyo ndi ndila ine Mudzimu a vha ngayo. Iyo ndi ndila ine lutendo lwa vha ngayo. Ndi ndila ine na tshi sedza. Arali no tshi sedza sa luñwe lushaka lwa Bivhili ya divhazwakale, ya tshiñwe tshithu tshe tsha vha tshi hone maduvhani o fhiraho, na kathihi ni nga si wane ndeme vhukuma ya Bivhili. Ni tea u gwadama nga magona anu, huno na thetshelesa milayao ya iyi Bivhili, huno na I sedza nga maño a Muya Mukhethwa.

⁵³ Ndi do vhudzisa avha vhathetshelesi, matsheloni ano. Naa Mudzimu wa divhazwakale u ri farisani ñamusi arali A si onoyo Mudzimu muthihi? Naa Mudzimu u farisani, a no do dzhia Mushe huno a ita madembe nae e a ita, naa zwi do ri farisani u vhala nga ha Mudzimu o raloho arali A si onoyo Muthihi namusi? Naa Mudzimu u farisani we a kona u phulusa ñandoni i dugaho, vhana vha Vhaheberu, arali A si Mudzimu onoyo muthihi ñamusi? Naa Mudzimu u farisani a no do hañula

vhukati ha tsho lugaho na tsho khakheaho, kha ḫuvha lo fhiraho, huno a phanisha vho khakhaho huno a fhaṭutshedza vho lugaho, arali A si Mudzimu onoyo muthihi ḥamusi? Naa ri yelani tshivhidzoni? Ndi ngani ri tshi didzima zwithu zwa shango, arali A si onoyo Mudzimu muthihi wa khaṭhulo yeneyo nthihi, na muhumbulo wonoyo muthihi we A vha e wone? Naa zwi do farisani kha Mudzimu we a kona u kwama tshanḍa tsha musadzi we a vha e na dali lo halifhaho, huno dali la ima, arali A si onoyo Mudzimu muthihi ḥamusi? Naa zwi do farisani u shumela Mudzimu we a kona u vhidza khonani Yawe tshaloni, nga murahu ha musi o no fa mađuvha mana, arali A si onoyo Mudzimu muthihi ḥamusi?

⁵⁴ Nga lutendo ri a tenda, uri, nga liñwe ḫuvha la vhugala U do ri vhidza kha lifhasi, naho ri lebuladadzwā la milora hafhu. Naa ri zwi sumbedza hani? A ri zwi sumbedzi. Ri a zwi tenda. A ri humbelwi u sumbedza tshinwe tshithu. Ri humbelwa u zwi tenda.

⁵⁵ Nga lutendo Mushe o ita *tshino-na-tshila*. Huno musi Mushe, sa muṭhannga, o sedza nga fasiṭere la pfamo, kha dziphuli, o vhona tshigwada tshenetsho tshithihi tshi sa takadziko, tsha tshika, tsho ḫoloko mupfudze tsha phuli dze Farao a dici vhona.

⁵⁶ Huno musi Farao a tshi dici sedza, na Vhaegipita, vho vha vhe si tshithu nga nn̄da ha tshigwada tsha dziphuli. Ndi zwenezwo fhedzi zwe vha vha tshi farisa ngazwo; u tou vha vhatu vho sukaho thophe, u ita zwidina zwa thophe u itela mbuelo ya midi ye Farao a vha a tshi khou i ḫata. Iyo ndi n̄dila ye Vhaegipita na Farao vha sedza ngayo dziphuli.

⁵⁷ Fhedzi Mushe, musi a tshi dici sedza, kwo vha ku kusedzele kwo fhambanaho kwe Mushe a vha e nakwo. Musi o vhona, dici tshi fhira fasiṭereni, misele mihulu tshifhaṭuwoni tshavho, mitodzi i no elela maramani adzo, na mivhili yadzo yo kotama, a dici sedza vhunga vhatu vha Mudzimu. Ho ngo dici sedza vhunga dziphuli. O dici sedza vhunga vhatu vho nangiwaho vha Mudzimu.

⁵⁸ Huno, oo, ndi tshi khou tshimbila, u bva kha shango u ya kha shango, na u bva kha lushaka u ya kha lushaka, ndi tshi khou rera! Tshee nda ḫutshela mahothi a iyi thaberenakele ḫukhu, ine ya vha tshimiswa tsha ḫhanganelano ya dzidinomineisheni, hu si na mulayo nga nn̄da ha lufuno, hu si na bugu nga nn̄da ha Bivhili, huno hu si na ndaela nga nn̄da ha Kristo, ndo lingedza u sedza vhana vha Mudzimu, na kha vho landulwaho, sa vhane vha vha vhatu vho khethiwaho nahone vho nangiwaho vha Mudzimu. A thi vha vhudzisi uri ndi vha Thaberenakele ya Branham. A thi vha vhudzisi uri vha Methodisi, kana uri vha Vhapuresbiterieni, kana uri vha Vhapentekostała, kana Vhanazarini, kana Vhukhethwa ha Mufhiri. Ndi ḫoda fhedzi u vha sedza vhunga vhatu vha

Mudzimu. Huno ndi tshi vhona mishumo na nyito yavho, uri ndi vhone vhalanda vha Murena Mudzimu. Huno mbilu yanga i tama vhutama navho, hu sa londwi pfungavhuṇe ine vha vha nayo. Ndi ḥulutshelwa fhedzi vhutama havho. Ndi a vha funa ngauri ndi a zwi ḫivha uri ndi vhathe vha Mudzimu.

⁵⁹ Musi ndi tshi vhona musadzi a tshi tsa nga tshiṭaraṭa, e na tshikete tshilapfu, huno mavhudzi awe o itwa nga vhuḍele nga murahu, huno—huno o ambara rokho i vthonalaho i tshi thonifhea; huno nda vhona muṇwe mufumakadzi muswa, khamusi wa vhukale honoho vhuthihi, o ambara phere ḥukhu ya dzishothi; a nga di vha, nga mbonalele, o naka kavhili sa musadzi a re na mavhudzi malapfu, u ya nga ha kusedzele kwa shango, fhedzi ndi do dzhia sia ḥanga na uyo musidzana o ambaraho vhunga Mukriste. Naho vha tshi do vha vha tshi khou mu sea, nahone vha tshi mu vhidza wā vhusweleli ho kalulaho, naho zwo ralo, ndi do dzhia sia ḥanga. A nga di vha a songo naka sa uyo muṇwe musidzana, nga tshivhumbeo, fhedzi u vhona tshiṇwe tshithu. Nga lutendo u a Mu vhona Uyo a sa vhonwi, Uyo a no endedza vhutshilo hawe.

⁶⁰ Musi ndi tshi vhona munna a re mushumoni, a tshi vhidzwa “mudikoni,” kana “mureri,” kana “wa vhusweleli ho kalulaho,” ngauri a tshi hana u daha, na u nwa halwa, na u ya dzidantsini, vhunga vhaṇiwe vhothe, huno a tshi vhidzwa “wa vhusweleli ho kalulaho,” mbilu yanga i a mu pfela. Ndi ene mukomana wanga, fhasi mavuni aya a Egipita, izwo zwi ita uri mbilu yashu i ḥulutshelwe u mu kuvhatedza na u ri, “Mukomana, ri vhaftiri na vhatsinda, vha ḥino shango, huno ndi ḥulutshelwa u vha na vhutama na inwi.”

Mushe o ḫo tea u nanga, u nanga nga lutendo.

⁶¹ Naa ndi vhaṭhannga vhangana vhe vha vha tshi do vha vho shumisa tshikhala tsha u vha murwa wa ḥwananyana wa Farao! Naa ndi vhaṭhannga vhangana vhe vha vha tshi do vha vho shumisa tshikhala tshe Mushe a vha e natsho, u diphina nga madakalo othe na lunako lu kungaho lwa shango, u vha khosi ya Egipita, u vha na shango ḥothe milenzheni yawe! “Tshithu tsho tsilufhalaho,” tshe vhaṭhannga vha ḥuvha ḥawē vha fanela u vha vho elekanya, “musi Mushe o nanga u dzhia fhethu hawe na vhathe vha ḥupheaho na vha tambulaho vha Mudzimu.”

⁶² Ndi ngani o zwi ita? Nga lutendo, musi a tshi imisa matō awe, o sedza seli ha lunako lu kungaho lwa ḥino shango. O sedza seli ha madakalo a tshivhi. Huno Bivhili yo amba zwauri o kondelela sa a no vhona Ene Uyo we a vha a sa vhonwi, nga lutendo, huno a nanga u shumela uyo Mudzimu hu sa londwi zwo iteaho.

⁶³ A zwo ngo shanduka. Vhunzhi hashu ro vha ri tshi do ya kha tshire ra vha ri tshi do tshi vhidza tshifhaṭo tsha

khwine. Ro vha ri tshi do diphina, khamusi, nga vhuṭama na madakalo a u dzula kha bannga dza khwine. Ri nga di vha vha takalelwaho lwo engedzeaho, u nwa na u daha, na u ambara na u difara vhunga shango. Fhedzi naa thaidzo ndi mini? No imisa maṭo anu, huno nga lutendo ni a Mu vhona ene Uyo a sa vhonwi, nahone no dzhia vhuimo hanu na vho landulwaho na vha no sokou vhidzwa vhavhumbuluwi-vhakhethwa vha duvha. Ngauri nga lutendo ri a Mu vhona Uyo a sa vhonwi, ri tshi nanga u tambula mitovholo na mat̄upho.

⁶⁴ Ndi nga si vhudze vhathu uri vha nange u ḥuphea. A thi khou ri ni tea u nanga thambulo. A zwi nga vhi tshithu tsha muthu u tshi ita. Fhedzi arali thambulo i ndilani ya mushumo, zwenezwo kha ri i dzhie i tshi ḏa. A thi ḥodi inwi ni tshi itela muñwe tshiñwe tshithu u tambo nga inwi. Ndi nga si ḥode inwi ni tshi amba zwithu zwe fhambanaho, zwauri nñe ndi... “Ndi wa tshivhidzo tshire tshi sa tende kha *tshikeneñene*, shangoni la zwa shango,” na zwithu zwi no nga zwenezwo, u tou ita uri vhathu vha tambe nga inwi. Ni khou ḫisa izwo kha inwi mune. Ndi nga si ri ni bve hafha huno ni bvele phanda nahone ni ḫte tshiñwe tshithu tshe tsha vha tshi tsha ndeme. Ndi nga si ḥode ni tshi ita izwo, u itela uri muñwe a ri ni wa vhusweleli ho kalulaho. Ni ḫisa izwo kha inwi muñe. Fhedzi arali zwi ndilani ya mushumo wañu kha Mudzimu, i ri ni shango li ambe zwine la ḥodou amba. Inwi bvelani phanda na u tshila.

Inwi ni a nanga. Munna na musadzi muñwe na muñwe u tea u ita izwi.

⁶⁵ Mini-ha arali Farao o vha a tshi do vha o vhona zwe Mushe a vhona? O vhona thambulo dza vhathu. O ḫivha mutengo we wa vha u tshi tea u badelwa. Fhedzi nga lutendo o u nanga, vhudzuloni ha u vha na madakalo a tshivhi.

⁶⁶ Khamusi hu na vhafumakadzi vhaṭuku, vhaswa vho dzulaho hafha, sa vhasadzi vhaswa vha kungaho. Shango li do takalela u ri kha inwi, “Itani *tshino-na-tshila*. No naka. Muvhili wañu wo vhumbea zwavhuđi nga maända. Ni tea u zwi sumbedza izwo.”

⁶⁷ Fhedzi, khaladzi anga, takusani maṭo anu huno ni sedze seli ha izwo, kha Ene we a ri, “Ndi vhuṭudži musadzi a tshi ambara tshiambaro tsho teaho munna.”

⁶⁸ Arali vhanna vha vhathu tshitshavhani tshañu, arali vhasadzi vhane na dowelana navho, vho ri, “Tunyani ayo mavhudzi malapfu. Hu do rotholela. Hu do vha *izwi, izwo*, kana *zwiñwe*. Kana, Hu do ni ita uri ni vhe khwine.” Ni songo zwi thetselesa izwo!

⁶⁹ Inwi ni imisa maṭo anu, huno nga lutendo no vhona Ene we a ri, “Mavhudzi a musadzi ndi vhugala hawe, huno a songo a tunya.”

⁷⁰ Arali vha tshi ri, “Zwi do takalelwaho. Ni do ima lwa khwine kha mushumo wañu, kana na vhasa wañu, arali ni tshi do dzhia

tshinwiwa tsha matshilisano. Arali ni tshi ḋo dahan dzisigarete vhunga vhañwe vhasadzi vhothe, ni ḋo ima matshilisanoni lwo engedzeaho vhuponi hañu.”

⁷¹ Nga lutendo takusani mañu aña huno ni sedze kha Ene Uyo we a ri, “Tshinya uyu muvhili, huno Ndi ḋo u tshinyadza.” Nga lutendo ri tenda izwo zwithu. A si tshithu tshe na tshi vhona. Ndi tshiñwe tshithu tshire na tshi tenda. Nga lutendo, Mushe o ita.

⁷² Huno kha lwendo ulu lwa lutendo, hu ḋa tshifhinga tshire ha tea u vha na u nanga.

⁷³ Loto o ita iyo khakho i tungufhadzaho ine ra ita. Zwifhinga zwinzhi ri nanga u itela uri zwi farise riñe. Ri nanga zwithu zwine zwa ḋo vha khwine.

⁷⁴ Tshiñwe tshifhinga arali hu na nndwa thukhu i no dzhena tshivhidzoni, huno muñwe a tshi ḋo ri, “Zwo luga, mudikoni kana mufunzi u kha ili sia.” Ni songo sedza izwo. Sedzani two lugaho. Bvisani itsho tshithu huno vhuvhili havho ni vha ḋise fhethu huthihi. Izwo ndi zwa u ofha Mudzimu.

⁷⁵ Hu na u nanga. Huno ri a dinangela. Ri nanga tshiñwe tshithu tshi no ri farisa.

⁷⁶ Fhedzi Mushe o nanga mañupho na thoni, uri a kone u tshimbila na vhatu vha Mudzimu. Zwi elekanyeni zwino. Zwi thetseleseni. “O nanga mañupho a vhatu vha Mudzimu, huno a a dzhia e dzanga lìhulwane, nge a kondelela, a tshi vhona Ene Uyo we a vha a sa vhonwi.”

Zwino, Loto, nga tshiñwe tshifhinga, o ḋo tea u nanga.

⁷⁷ Huno khamusi, matsheloni ano, hu nga ḋi vha na vhanna na vhasadzi vho dzulaho hafha, vhane na ḋo dinangela lwa u fhedza. Inwi ñamusi ni zwine na vha zwone, ngauri miñwaha yo vhalaho yo fhiraho no nanga u vha zwine na vha zwone zwino. Huno zwine na nanga zwino zwi ḋo bveledza zwine na ḋo vha zwone miñwaha miñanu u bva ñamusi. Miñwaha miñanu u bva ñamusi ni nga ḋi vha mufunziruñwa. Miñwaha miñanu u bva ñamusi ni nga ḋi vha Mukriste a ñivheaho.

⁷⁸ Kana, miñwaha miñanu u bva ñamusi ni nga ḋi vha vhudzulavhafu, nge na dzhia tsheo yo khakheaho. Miñwaha miñanu u bva ñamusi ni nga ḋi vha ni tshi kunakisa dzikhali lufherani lwa bara. Miñwaha miñanu u bva ñamusi ni nga ḋi vha murengisamuvhili tshiñarañani.

⁷⁹ Kana, ni nga ḋi vha munna kana musadzi a re—a re khuliso kha vhañwe vhapo-vho, nga nthani ha u nanga hañu Kristo. Miñwaha miñanu u bva ñamusi ni nga ḋi vha Vhugalani, no tuwa nga U Takulelwaa Taðulu, nge na ñinangela ñamusi.

⁸⁰ Fhedzi ni tea u nanga. Huno ni songo sedza tshire na tshi vhona. Nangani tshire na tshi vhona nga lutendo. Itsho ndi tshore tshithu fhedzi tshi no ḋo vha tsha ndeme, ndi tshire—tshire na nanga nga lutendo.

⁸¹ Loto, vhunga o do tea u nanga. Abrahamu u nea Loto tshe a nanga.

⁸² Huno Mudzimu u ni nea tshe na nanga. “Nangani namusi ane na do mu shumela.” Ngadeni ya Edeni ho vha hu na muri wa—wa ndivho, na Muri wa Vhutshilo. Muthu o newa pfanelo ya u nanga tshe a tshi tama. Huno zwo ralo na namusi. Ni newa pfanelo yanu, sa vhathu vho vhofholowaho, u nanga tshiñwe na tshiñwe tshire na ḥoda u tshi nanga.

⁸³ Ngeletshedzo yanga kha inwi, ndi, ya uri ni songo sedza zwithu zwa musalauno u mona na inwi, na u takalelwa na lunako lu kungaho lune ni nga vha lwone. Fhedzi nangani, kha ndi ri, nga lutendo, Ene a no nea pfulufhedziso ya uri linwe duvha U do da huno a lulamisa phoswo dzothe, huno a ni nea Vhutshilo Vhu Ša Fheli, nahone a ni vusa. A hu londwi arali ni tshi fara ndila yo nyadziwaho na vha Murena vha si gathi, nangani zwenezwo. Arali hu na vhuleme tshandani, arali hu na vhuleme shangoni, arali hu na vhuleme tshivhidzoni, arali hu na vhuleme hayani, hu sa londwi hune ha vha hone, dinangeleni, “Nga lutendo, ndi do shumela Mudzimu. Ndi do tukufhadza mbilu yanga Vhuhoneni Hawe. Ndi do fara ndila na vhana vha Mudzimu. Ndi vha vhona vho nyadziwa na u landulwa, huno vho pandelwa nahone ho tambiwa ngavho, fhedzi ndi kha di do dzhia fhethu hanga ha mushumo. Ndi do dzula heneffo tsini. Huno musi vha tshi lila, ndi do lila navho. Huno musi hu na matungu, ndi do tungufhalala navho. Nga ndila ine vha tshila, ndi do tshila.”

⁸⁴ Vhunga Naomi o amba... Kana, Ruthe o ri kha Naomi, “Ndila dzaṇu dzi vhe ndila dzanga. Ndila dzanga dzi vhe ndila dzaṇu. Hune na dzula, ndi do dzula. Hune na ya, ndi do ya. Muḍzimu ane na mu shumela u do vha Mudzimu wanga.” Dzhiani tshinangiwa tshenetsho, naho hu tshi kokodza lukanda lwonolwo lwa luvalo lwanyu, lwa u elekanya uri ni muṇwe muthu. Ditswamuleni lukanda huno ni fare ndila yanu na vha Murena vho nyadziwaho vha si gathi, huno ni dzule ni tshi fulufhedzea tsimuni ya tshumelo na fhethu ha mushumo.

⁸⁵ Loto a sedza u mona hothe. A ri, “Ndi na tshinangiwa.” Huno a sedza ngei Sodoma. A vhona zwaauri masimu a hatsi avhudzi o vha e khwine kha zwe Abrahamu a vhona, na he Abrahamu a vha e hone. O vhona zwikhala zwa uri a fulise kholomo dzawe, u vha na kholomo dzo nonaho nahone dla khwine.

⁸⁶ Ndi a fulufhela uri a thi khou vhaisa vhudipfi ha muṇwe. Fhedzi uvho ho vha vhuimo ha vhareri vhanzhisa, u leludza Mafhungo-maqifha, vha tshi elekanya uri vha wana tshelede yo engedzeaho ngazwo. [Mukomana Branham u vhanda zwanda zwave kararu—Mudz.] Thikhithi ya zwiliwa! Ndi nga namba nda dzula shangoni li sa anwiho, nda la, nda nwa kha davhi, huno nda la makokisi a soda, u fhira u leludza u tenda ho khwathaho ha lutendo lwanga kha Ipfi la Mudzimu a tshilaho. Ndi do fara ndila yanga.

⁸⁷ Vhanwe vhavho vho ri, “Billy, naa thaidzo ndi mini kha muṭangano yaṇu, sa izwo hu na Vhapentekostała vhanzhisa khawo.” Mushūmeli muhulwane wa dinomineisheni o amba hezwo.

Nda ri, “Naa dinomineisheni yaṇu i ḋo lambedza muṭangano wanga?”

⁸⁸ A si kale, kha magazini u no pfi *Look*, ndi a tenda, ho vha hu na lianetshelwa. Huno muṇwali heneffo o amba, o amba nga ha vhathe vha Pentekoste. O ri, “Tshivhidzo tsha Pentekoste ndi tshivhidzo tshi no hula nga u ṭavhanyesa shangoni namusi.” Mulandu? Ndi nga nthani ha uri vhanna na vhasadzi vho takusa maṭo avho huno vha sedza kule.

⁸⁹ Huno nahone muṇwali o tamela mashudu vhathe vha Pentekoste. Oo, a hu na zwinwe, o ri, “Ho vha hu na vhe vha bva ndilani, na vhaṇiwe-vho. Fhedzi, vha Methodisi vha luvha ndaela. Vha luvha Mudzimu nga ndaela. Mubaphuthisisi u ita zwenezwo zwithihi, na Vhapuresbiterieni. Fhedzi vha Pentekoste vha luvha nga Bivhili yawe.”

⁹⁰ Nga lutendo ri vhona pfulufhedziso. Ndi ḋo dzhia zwanga zweṭhe na vhone, hu sa londwi uri vha nyadziwa zwingafhani, ndi kha di vha muṇwe wavho. Naho ha tambiwa ngavho, nahone vha vha na zwikanganyisi zwavho, vhunga Israele yo ita, na kathihi ndi nga si ḫode u ima na muporofita a si wa ngoho thungo ha muvhundu, ene Biliamu, huno nda lingedza u sema zwe Mudzimu a zwi fhaqutshedza. Ngauri, kha iyo gammabu hu na Tombo lo rwiwaho, na Tshithavhelo tsha malofha, na Khavhu ya Mulilo. A hu londwi uri vha kha tshini, tshi khou vha isa gundoni, huno vha tea u da khalo, ngauri ndi vhone vhathe vho fulufhedziswaho vha no khou tshimbila nga lutendo. Naho vha si dinomineisheni, vho vha vhe vhatendeleki u mona hothe, huno vho ralo vhathe vha Mudzimu. Fhedzi ndi ḫodou fara ndila yanga navho, nda vha murado wavho kha maimo avho; hu si kha dinomineisheni yavho, fhedzi kha vhuṭama havho kha zwipiḍa zwa Muya wa U Ya Nga Hu Sa Fheli wa Mudzimu, zwine, nga lutendo ndo ṭanganedza ndovhedoro ya Muya Mukhethwa. Mudzimu nthuse uri tshifhinga tshoṭhe ndi vhe na uvho vhuḍifari.

⁹¹ Dzhielani nzhele. Musi vha tshi khou tshimbila, ri wana uri Loto o vhona zwikhala zwa kholomo dzo no—nonaho. Vhanzhi vha vhona zwikhala zwa bugu ya tshikwama yo nonaho. Vhanzhi vha vhona zwikhala zwa vhuimo ha matshilisano ha khwine. O vhona khonadzeo dza dolara dza nyengedzo dici si gathi. O vhona khonadzeo dza u vha meyara wa mudi. E mutsinda, nahone e munna wavhudzi o thanyah, sa zwe a vha e zwone, “Khamusi ndi ḋo vha munna muhulwane wa mudi.” O vhona khonadzeo ngauri yo vha i phanda hawe. Fhedzi ho ngo vhona mulilo we wa vha u tshi khou yo tshinyadza shango. Ho ngo ḫipfumeadzanya, uri shango lo vha lo ḫala tshivhi, huno Mudzimu o ḋo tea u li tshinyadza.

⁹² Huno, ḥamusi, vhathu vha lingedza u ḫipfumedzanya nga u ri, “Naa ni . . .”

Ndi do ri, “Naa ni Mukriste?”

⁹³ Vha ri, “N̄ne ndi Muamerika.” Izwo a zwi tshe na mushumo nazwo u fhira u lingedza u ri kha funguvhu lo vha li tshidula. A li na mushumo natsho. [Mukomana u vhanda zwanda zwawe kathihi—Mudz.]

⁹⁴ Li khou yo tshinyadziwa, ngauri Mudzimu o luga. Huno arali Amerika la bvela phanda na zwivhi zwalo, Mudzimu o lugaho nahone muhulwane, mukhethwa u do kombetshedzea u—u vusa Sodoma na Gomora huno a humbela pfarelo khayo nge a i fhisa, nga ḥawambo wa tshivhi tshayo; arali A tshi ri tendela u bvela phanda natsho.

⁹⁵ Arali A tshi ni tendela u ya Tađulu nga mishumo yañu i songo lulamaho, U do tea u vusa Anania na Safira huno a vha nea tshiñe we tshikhala. Zwa vhukuma U do ralo. Fhedzi O luga. Anania o vhona tshelede yawe. Petro o vhona Kristo.

⁹⁶ Yawee, nnenne! Loto ho ngo vhona tshinyadzo ya vhana vhawe afho fhethu.

⁹⁷ Vhunzhi hanu, ḥamusi, no farelela kha idzi ndaela dza kale dza maitele na zwithu, a ni vhone vhukundavhalai ha vhaswa na tshinyadzo ya vhana vhañu. A ni vhone ḥwananyana wanu nduni ya murengisamuvhili. A ni vhone murwa wañu e tshidakwa, kana e ṭafulani ya magaraña huñwe fhethu.

⁹⁸ “Ngauri u sheledzwa zwavhuđi.” Huno tshivhi a tshi kwamiwi. Ho ngo vhona mufumakadzi wawe, thoho ya madzangano othe, a tshi shanduka a vha tshiunga tsha munó, musi o vha o sedza. Ho ngo mu vhona a tshi ponya nga nnđa ha lumeme lwa manō awe fhedzi, kha mudi mułuku huñwe fhethu, u itela vhutshilo hawe. Ho ngo zwi vhona izwo, ngauri o sedza fhedzi zwe a zwi vhona phanda hawe.

⁹⁹ Fhedzi, Abrahamu, ho ngo dzhieila nzhele shango lo sheledzwaho zwavhuđi, ngauri o imisa mađo awe huno a vhona la matshelo, ngauri zwithu zweithe zwi do vha ifa lawe. Mukriste vhukuma ḥamusi u imisa mađo awé huno a vhona pfulufhedziso ya Kristo. “Mashudu vha vhulenda ngauri zwithu zweithe zwi do vha ifa lawho. Lifhasi li do vha ifa lawho.” Mukriste wa vhukuma, nga lutendo, u sedza n̄tha huno izwo a zwi vhona. Mu vhidzeni tshine na toda. O imisa mađo awe. Huno musi o ita izwo, Mudzimu o ri, “Abrahamu, tshimbila kha shango, lothe ndi lau.” Nga lutendo, Abrahamu a ita izwi; lutendo lwonolwo luthihi lwe Mushe a vha e nalwo.

¹⁰⁰ Zwo ḥwalwa nga muanei muthihi, o ambaho izwi. Ndo elekanya uri ho vha hu maipfi o nakesaho. Uri Abra-... “Mushe o dzhia zwa khwinesa zwa shango huno a zwi vhea

kha tshikalo tshithihi; na vhurereli ho vhifhesaho, huno a vhu vhea kha tshiñwe tshikalo; huno vhurereli ho vhifhesaho ha lemela u fhira ha khwinesa ha shango.”

¹⁰¹ Zwo ralo na ñamusi, zwauri arali ra vhidzwa tshiñwe tshithu tshire ra ḥoda u vhidzwa tshore, “vha vhusweleli ho kalulaho,” kana “vhafhodzi vha Muya,” kana “muvhumbuluwi-mukhethwa,” kana tshiñwe na tshiñwe tshire vha ḥoda u vhidza. Zwo vhifhesaho zwine ra vha zwone zwi ḥo lemela u fhira zwa khwinesa zwine shango li nga kona. Vha ḥoda u vhidzwa vha “tshikalekale, vho aluwaho vha songo dzivhuluwaho, vha vhusweleli ho kalulaho.” Zwi ḥo lemela u fhira tshithu tsha khwinesa tshire Diabolo a tea u ni ñea tshore. Zwi ḥo ralo ngangohoh.

¹⁰² Mushe o dzhieila ntha u nyadziwa ha Kristo. O vhona Kristo a sa athu da. Ngavhuya o amba maiwe maipfi a maanda a ḥuthuwedzo nga Hae. “Ni a vhona, Murena Mudzimu wanu u ḥo vusa muporofita a no nga nne.” O zwi divha. O Mu vhona a sa athu da, huno a dzhieila ntha u nyadziwa Hawe sa lupfumo luhulwane u fhira lunako lu kungaho lwothe lwa shango.

¹⁰³ Khonani ya Mukriste, ñamusi, naa izwo ni nga si zwi ite? Huno lunako lu kungaho lwothe na u takaelwelwa nga shango, nga lutendo, ri vhona Ene we a fulufhedzisa. Huno tsho vhifhesaho tsha tshivhidzo ñamusi, kha nyimele yatsho yothe, naho zwo ralo Tshi ḥo lemela u fhira tshiñwe na tshiñwe tshire Diabolo a nga ni ñea tshore. Arali ro kherukana, arali ro kwashekana ra bva zwipida, arali ro daða nahone ro kwashekana, kha dzidinomineisheni na vhusweleli ho kalulaho, zwi ḥo lemela u fhira tshiñwe tshithu tshire Diabolo a nga ni ñea tshore. Zwa vhukuma.

¹⁰⁴ O dzhieila ntha u nyadziwa ha Kristo sa lupfumo luhulwane u fhira madzanga othe a la Egipita. Zwenezwo o ḥo tea u ita tshiñwe tshithu. A furalela Egipita. Oo, ndi funa ilo ipfi. A furalela Egipita. Ni a vhona, o vha a tshi khou sedza nga lenelo fasitere lithihi, fhedzi o vha a tshi khou sedza nga ndila yo fhambanaho na ya Farao. Mini-ha arali Farao o vha a tshi ḥo vha o vhona magumo awe? Mini-ha arali Farao o vha a tshi ḥo vha o vhona lushaka lwa hawe lu tshi nwela khothe? Mushe o zwi vhona. Hani? Nga saints? Nga lutendo, Mushe o zwi vhona. Tshiñwe na tshiñwe tshe a ita tsho vha tshi nga lutendo, nge Mudzimu a fulufhedzisa Abrahamu, khotsi awe, zwauri U ḥo—U ḥo dalela ulu lushaka nga murahu ha miñwaha ya madana mana, na uri u ḥo vha bvissa. Huno nga lutendo, Mushe a tenda ipfi le Mudzimu a li amba, huno a ñidivha, nga lutendo, u vha murangaphanda o khethiwaho u vha bvissa. O ñidivha he a vha e hone. O dzhia fhethu hawe ngomu milindini ya mambweñete, sa musuki wa thophe, huno a dzhia u nyadziwa ha Kristo sa lupfumo luhulwane u fhira u dzula kha khuluñoni

ya Egipita. O dzhia... Na kathihi ho ngo vhuya a ri, "Ndi zwi pfela vhutungu." O dzhia fhethu havho huno a ṭuwa navho! Vhugala kha... O dzhia fhethu havho. Ra ṭuwa navho.

¹⁰⁵ A zwi mangadzi muñwali o ṭuṭuwedzwaho o ri:

Ndi do fara ndila na vha Murena vha nyadziwaho vha si gathi.

Ndo thoma ngomu na Yesu, zwino ndi khou khunyeledza.

Nne ndi ndilani yanga ya u ya shangoni ḥ Kanana. (Ngoho.)

¹⁰⁶ Mushe. Zwo ambiwa nga muñwe zwauri Mushe o ḥamba, musi o vha a tshi ḥo vha o vha murwa wa Farao nahonē a vha na lunako lu kungaho lwa shango, o vha a tshi ḥo ḥamba a vha murwa wa Abrahamu u fhira u vha murwa wa Farao. Murwa wa Abrahamu, o nyadziwaho, u fhira u vha murwa wa Farao, khosi.

¹⁰⁷ Ndi nga ḥamba nda vha murwa wa Murena Yesu, na mulanda Ngae, huno nda dzhia fhethu hanga na vhatu vho landulwaho vha ḥino shango, u fhira u vha Muphresidennde wa ili United States ḥ Amerika ḥihulwane, kana u vha ene Elvis Presley, kana ene Pat Boone, kana onoyo ane na ḥoda u mu ita. Ndi ḥo fara ndila yanga.

¹⁰⁸ Vhafumakadzi vhaswa vha fanela u fara ndila yavho. Vhudzuloni ha u vha ene—ene Mary Pickford, kana iñwe filimustaa khulwane, muñwe musidzana wa lunako lu kungaho, farani ndila yañu na vha Murena vha nyadziwaho vha si gathi.

¹⁰⁹ Ndi nga ḥamba nda vha mureri kha phuluphithi, ndi tshi rera lupfumo lu sa londei lwa Kristo, u fhira u vha filimusitaa ya Hollywood, kana muthu muhulwanesa kha ḥifasi. Arali ndi tshi tea u ḥa zwi si zwinzhi, u humbelu, kana tshinwe na tshinwe tshire nda tea u tshi ita. Ndi ḥo fara ndila yanga na vhatu vha Murena. Nga lutendo, ndi a zwi ita izwo. Ndo ḥewa tshikhala. Fhedzi, nga tshilidzi tsha Mudzimu, ndi kha di vhona nga lutendo.

Nga lutendo ndi kona u u vhona u kule;
Huno Khotsi ashu u lindela ndilani,
U ri lugisela vhudzulo Henengei.

¹¹⁰ Munna wa mbuelo ya muthelo o amba, ḥinwe duvha, "Ndi ngani no ḥetshedza haya hanu kha itsho tshivhidzo? Naa ndi tshini tsho ni itaho uri ni ḥekedze haya ha dołara dza zwigidi zwa fumbilithanu kha iyo thaberenakele ḥukhu ya kale i vhonalahi i tshika?"

¹¹¹ Nda ri, "Ho vha hu si tshivhidzo tshe tsha ita uri ndi ite. Ndi vhatu vha re henengei." A thi na thundu dza lino shango. Peni iñwe na iñwe ya tshelede ye nda vhuya nda i dzhia i ḥetshedzwa itshi tshivhidzo. Mulandu? Lutendo lwanga lu kha Mudzimu, huno hu si kha zwithu zwa ḥino shango. Zwi funwaho nga nñe zwi n̄tha. Huno ndi tenda uri inwi noñthe ni

zwenezwo zwithihi, arali no luga na Mudzimu. Ndi ngoho, uri ni zwenezwo. Riñe, nga lutendo, ri a ḥanganedza. Riñe, nga lutendo, ri tenda Mudzimu.

¹¹² Mushe, o do tea u nanga. Huno zwenezwo o do tea u ralo, nga murahu ha u nanga, o do tea u lwa lutendo, zwenezwo, ngauri ho ngo ofha mbiti dza khosi. Zwino, nga lwa muthu, o vha e na pfanelo ya u ofha mbiti. O vha e na pfanelo ya u ofha mbiti dza khosi, fhedzi ho ngo ralo. Ho ngo zwi ita, ngauri o vha e na mushumo we a tea u u ita, nahone o vha e mushumoni. Huno ho ngo londa zwe khosi ya amba nga hazwo. O fara ndila Yawe nga u tou ralo.

¹¹³ Zwino, Farao, a hu na zwiňwe, musi a tshi vhona uri o kundwa, o ḥoda u nea Mushe na vhana... A ri, "Zwo luga, ndi do ni vhudza zwine nda do ita. Vhoiñwi noþe itonu dzula shangoni huno ni bve nahone ni itele Mudzimu wañu tshīthavhelo."

¹¹⁴ Iyo ndi ndila ine Diabolo a shuma ngayo. "Oo, ni nga vha wa vhurereli. Ndi ngani ni sa yi nga hangei huno na vha murado wa tshiňwe tshivhidzo? A ni tei u ita izwi zwithu zwoþe." Munna u ri kha mufumakadzi wawe...

¹¹⁵ Mufumakadzi u ri, "Munna, ndo tshidzwa. A hu tshena u pennda ńala, kana tshidzamilomo na zwithu. A hu tshe na zwa hezwi. A hu tshe na zwimima. A hu tshe na izwi zwithu zwa dzangano. Nne ndo bva khaþo! Ndi do shumisa tshifhinga tshanga kha u vhala Ipfi, ndi tshi þogomela haya."

¹¹⁶ "Zwino, sedzani, mufunwa. Inwi, ni nga vha wa vhurereli, zwo luga. Zwino, sedzani, ni—ni ya nga *hafha*. Ni na tshivhidzo tshi si tshone."

¹¹⁷ Hai, a ni khatsho. Ni kha tshi re tshone. Arali ni na mureri a no do ni rerela izwo, ni tea u dzula natsho. Phendani murahu kha Mañwalo huno ni wane arali izwo zwi zwone.

¹¹⁸ "Oo," ha pfi, "iyani nga *hafha*. A vha—a vha tei u ita izwo hangeno. Ni a vhona? A vha iti izwi hangeno." Iyo ndi yone ndila, "itonu ya vhukule vhungafha," fhedzi ha ḥodi ni tshi bva kha shango. Iyo ndi ndila ine Diabolo a ita. Ha ḥodi ni tshi bva kha zwithu zwa shango; itonu dzhenisa shango ngomu na tshivhidzo.

¹¹⁹ Liňwe ðuvha, ndi tshi khou tsa nga bada, nda funga radio yanga. Huno ho vha hu na lu—luiimbo, huno nda dzulela u thetshesela, nahone nda tea u dzhia, katukuþuku, luiimbo lwoþe, ndi sa athu kona u amba uri kana zwa vhukumakuma lwo vha lu luiimbo lwa vhurereli, kana Diabolo u khou lingedza u tsitsela zwithu zwa Mudzimu fhasi kha ndili ya shango. Ni nga si zwi ite izwo! Mudzimu khathutshela!

¹²⁰ A thi londi uri Elvis Presley u ñwala alibamu nngana, dza nyimbo dzothé dzavhuði dza vhurereli. U kha ði vha na Diabolo. O rumela vhana vho engedzeaho vhudzulavhafu, na miito yoþe ine nda i ðivha, shangoni ɬoþe kha ɬino ðuvha. Pat

Boone na vhańwe vhothe, o vha e wa tshivhidzo tsha Kristo; huno Elvis Presley, ene Mupentekostała; ndi vhone Yudasi Iskariote, nga tshivhumbeo tsha avho vhanna. Diabolo u khou lingedza u qisa zwithu zwa n̄tha zwa Mudzimu, uri vha kone u zwi vanganya *hafha* fhasi. Vhathu vha nga si sedze nga N̄tha ha, *Itshi*. Vha tou sedza *hafha*, vha ri, “Zwo luga, zweathe zwi a fana.” A zwi fani. Ibvani kha shango.

¹²¹ Ha pfi, “Ni nga tou ya lwa mađuvha a si gathi. Huno ni a ya, na dzula shangoni.” Ngoho, o zwi ḋivha uri vha ḋo vhuya. Zwenezwo a wanulusa uri izwo zwi nga si shume, ngauralo a elekanya tshińwe tshithu tsho fhambanaho. A ri, “Ndi do ni vhudza zwine na ita. Ni a bva na ya huńwe na huńwe hune na ḫoda u ya, fhedzi ni sia vhabumakadzi vhańu vhothe, vhana vhańu vhothe, na kholomo dzańu dzothe, murahu *hafha*. Ni vha sia ngeno, huno na bva.” Ngauri, o zwi ḋivha uri vho vha vhe na thundu ngei murahu, ine ya ḋo vha kungela murahu.

¹²² Huno izwo ndi zwine Diabolo a ni vhudza zwone. Tenda ni tshi litsha zwińwe zwithu zwa shango two nembelela kha inwi, ni kha ḫoda u daha, ni ḫoda u nwā, ni ḫoda u ambara vhunga shango. Izwo zwi fana na zwine Diabolo a ḫoda.

¹²³ Ndi pfa zwinzhi nga maanda nga ha u gunea. A thi tendi uri hu na u gunea nga maanda hunzhi sa zwine vhathu vha elekanya uri hu hone. Vha tou sia thundu nnzhisa kha la Egipita u vha kungela murahu, ndi zwenezwo fhedzi. U gunea a si zwine vha amba uri ndi zwone. No sia zwinzhisa zwa shango hangei murahu, zwine zwa ni kunga.

¹²⁴ Mukomana, ndi a ni vhudza, musi Israele yo ḋilugisa, vhusiku vhuhulu, vho vha vhe na tshińwe na tshińwe tshe vha vha vhe natsho kha lino shango, tsho pakiwa nahone vho lugela u ṭuwa.

¹²⁵ Mudzimu ri rumele mvuseledzo ya u ralo. Ri paka tshińwe na tshińwe, huno ra ḋilugisela u ṭuwa. Mukosi wa vhusiku vhuhulu u khou da, “Ibvani ni yo Mu tanganedza.” Ndi khwine ni tshi dzula no paka tshińwe na tshińwe. Ndi khwine ni sa vhi na tshithu, shango lino, tshi tshi ni kungela murahu, dziniwe nnzi-vho dza u ni fareledza fhasi. Pakani. Kha ri ḋilugise. Ri khou ṭuwa.

¹²⁶ Huno ni a ḋivha uri mini? Ndi a ni vhudza, vho vha vha tshi fulufhedzea nga maanda kha Mudzimu, u swika Farao a tshi nyanyulea nga maanda vhusiku vhuhulu, a ri, “Ibvani! Ibvani, nahone ni thome u ṭuwa. Dzhiani tshińwe na tshińwe tshine na vha natsho, huno ni ṭuwe!”

¹²⁷ Ndo takala nga maanda uri muthu a nga tshila tsini na Mudzimu nga maanda, u swika Diabolo a sa ḋivhi uri a nga itani ngae. Izwo ndi zwone. Ibvani! Tuwani! Thetshelesani Mudzimu!

¹²⁸ Nga lutendo, o vhaba pfulufhedziso. Musuki wa thophe, kana a hu na musuki wa thophe, o fara ndila yawe na vha Murena vha nyadziwaho vha si gathi. Farao o ri, “Dzhiani

zwoṭhe zwine na vha nazwo huno ni bve hafha! A thi ḋivhi uri ndi nga itani nga vhoinwi.” O vha a tshi fulufhedzea nga maanda kha Mudzimu, nga lutendo.

¹²⁹ Lutendo lu do shuma madembe, arali ni tshi do fulufhedzea kha Mudzimu. Nga lutendo, ri a Mu vhona.

Tshifhinga tshashu tsho fhela; tshifhinga tsho fhira.

¹³⁰ Fhedzi, nga lutendo, matsheloni ano, imisani maṭo anu. Ni songo vhona tshi re u mona na inwi, ili shango la musalauno, fhedzi sedzani huno ni vhone Ene Å neaho pfulufhedziso. Bivhili yo ri, “A ri vhoni zwithu zwoṭhe lwo fhelelaho zwino, fhedzi ri vhona Yesu.” Na Mu sedza, matsheloni ano, huno ndila dzaṇu dzi do shanduka.

¹³¹ Musi ri tshi kotamisa zwifhatuwo zwashu, lwa tshifhinganyana, uri ri ite thabelo. Ngavhe Murena a tshi inga phaṭhutshedzo Dzawe kha Mulaedza.

¹³² Elekanyani mbiluni yaṇu zwino. Naa no vha no sedza zwithu zwa shango? Nga lutendo, ni a vhona Yesu? Naa ni khou sedza u takalelwa hanu, tshivhidzo tshaṇu? Uri vhuimo hanu ha matshilisano ha shango ndi mini? Kana, ni vhona Yesu We, nga u pfela vhuṭungu, a ḋivhea kha tshanda tsha u la tsha Ramaanda a re N̄ha, We a tambula sa mufelalutendo, o lugaho a tshi itela vha songo lugaho? Naa a ni koni u takusa maṭo anu huno na vhona uļa Muri wa Vhutshilo hangei? Zwenezwo, ṭutshelani uyu muri wa saints na ndivho, huno ni Mu shumele.

¹³³ Naa ni do takalela u eleliwa thabeloni ndi sa athu rabela? Imisani tshanda tshaṇu, u itela khumbelo iñwe na iñwe ine ni nga i ṭoda. Mudzimu a ni fhaṭutshedze. U vhona tshanda tshaṇu tshoṭhe.

¹³⁴ Arali ni muitazwivhi, takusani maṭo anu huno ni sedze zwino. Arali no vha ni si na dzangalelo, arali no vha ni na dzinndwa thukhu na zwithu zwiṭuku, naa zwi ita phambano-de? Ni khou yo fa nga liñwe la aya mađuvha. Duvha liphio? Khamusi namusi! A ni ḋivhi. Awara u bva zwino, ni nga di vha vhudzulavhafu, kana nī ngā di vha ngei Tađulu. Fhedzi ni tea u nanga zwino. Arali hu na tshiñwe tshithu vhutshiloni hanu tshi songo lugaho, ni nanga zwino, nga lutendo.

¹³⁵ Inwi ni ri, “Zwo ralo, arali ndi tshi nga tou konana na wa musadzi! Arali ndi tshi nga konana na wa munna!” A hu londwi zwe vha ita, nangani Vhutshilo. Nangani Vhutshilo.

¹³⁶ Ngauri, Yesu o ri, “Arali ni sa hangweli muthu muñwe na muñwe u pfuka hawe zwi tshi bva mbiluni, na Khotsi anu wa Tađulu ha ni hangweli.” Ngauralo izwo itonu zwi pfesesa. Arali hu na u sa farela huthihi muñwe muthu-vho mbiluni yaṇu, muitazwivhi kana mukhethwa, ni khomboni ya mulilo wa vhudzulavhafu.

¹³⁷ Zwino imisani iṭo ḥaṇu. Naa ni vhonani, swina ḥaṇu? Kana, ni vhona Mutshidzi waṇu? Naa no sedzani matsheloni ano?

¹³⁸ Arali ni tshi lwala, huno dokotela waṇu a tshi ri ni nga si wane mutakalo, imiselani iṭo ḥaṇu, kha tshifhambano, he A rungelwa u pfuka hashu, nga ntho Dzawe ro fhodzwa. Ni songo sedza zwine dokotela a amba; u khou shuma kha saintsii. Lutendo lu shuma fhethu ha Muya na Mudzimu. Kha ri elekanye nga ha izwi zwithu zwino musi no takusa tshanda tshaṇu. Mudzimu o zwi vhona.

Kha ri rabele.

¹³⁹ Oo Mudzimu wa U Ya Nga Hu Sa Pheli, kha vhudziki ha uhu u luvha zwino, nga murahu ha musi Mulaedza wo no ḥewa, u songo tendela idzo mbeu dza Ipfi Lau, Murena, dzi tshi wela kha mavu a tombo. U songo tendela Mulaedza, Murena, u tshi wela kha dzitshene, mipfa, uri mbilaelo dza vhuno vhutshilo (vhunga Loto) dzi u pwanyeledze, magumoni, la vha li laṭwaho. Fhedzi, Oo Mudzimu o fhaṭutshedzwaho, i ri u wele mavuni avhuđi, o vibvelaho, kha mbilu dzi shandukaho. Na kha yanga, na yone, Murena, uri roṭhe ri kone u sedza nga kha ngilasi ya u sedza ya Mudzimu, huno ra vhona Tshivhidzo tsha Murena Yesu tsho landulwaho, vhatu vho landulwaho, ndila yo landulwaho, huno ngavhe ri tshi tshimbila ndilani iyi ya vhugala.

¹⁴⁰ Vhunga Mushe, ho ngo ḫivha he a vha a tshi khou ya. Vhatu a vho ngo ḫivha he vha vha vha tshi khou ya. A vho ngo ḫivha uri vha tea u ya thungo ifhio. Vho sokou ya.

¹⁴¹ Huno Oo Murena Mudzimu, ulu luimbo lwo nakaho lu kati na u lidziwa, nga lutendo ri kona u vhona ilo Shango li kule. I ri zwi vhe zwenezwino, zwauri vhanna na vhasadzi ngomu hafha vha si elekanye zwine shango la khou yo amba, kana uri vha khou ṭuwa hani. Ngavhe vha tshi tou takuwa tuyani wavho, huno vha ṭuwa.

¹⁴² Mushe o tevhela Tshedza, huno Tsha mu ranga phanda u ya shangoni la pfulufhedziso. A sa ḫivhi he a vha a tshi khou ya hone, fhedzi o tou tshimbila Tshedzani, kha shango le la vha lo naka u fhira masiari.

¹⁴³ Tendela, Murena, ḥamusi, zwauri vhanzhi hafha vha do tshimbila Tshedzani tsha Luñwalo na kha vhuṭama ha Muya Mukhethwa, nahone na Tshivhidzo; Tshivhidzo, Tanzhe, vhuskie vhu tsha di bva u bebwa ho tanganedzaho Kristo, huno ha ḫala Muya Mukhethwa, ha dededzwa nga Muya. Ngavhe ri tshi tshimbila kha uvhu vhuṭama, roṭhe, u mona na zwipiḍa zwa Mudzimu; ri tshi Mu shumela nga ndovhedzo, nga u thetshesela ha lufu Lwawe, u swiṭwa, na mvuwo. Ngavhe ri tshi Mu shumela nga ndaela Yawe, "Lindelani Yerusalem u swika ni tshi ambadzwa Maanda a bvaho N̄tha." Ngavhe ri tshi Mu shumela nga phodzo ya Muya, ri tshi rabelela vhalwadze.

Ngavhe ri tshi Mu shumela nga tshilalelo, u ñwatwa ha tshinnkwa, mbilu i nthihi, ra vha na vhuñama u mona na Ipfi la Mudzimu. Ngavhe ri tshi Mu shumela nga zwipiða Zwikhethwa Zwawe zweþe, u swika Shango li tshi vhonala. Zwi tendele, Murena. Ipfa thabelo yashu, ri tshi i kumedzela yoþe kha Iwe zwino, nga Dzina ja Murena Yesu.

¹⁴⁴ Zwino zwifhaþuwo zwashu zwe kotama, ro dzika, nga u ongolowa, kha ri tou imba ulu luimbo. Zwino uhu ndi u luvha. Mulaedza wo fhela. A hu na a no þuwa. Itonu dzika. Kha ri luvhe.

¹⁴⁵ Mulaedza ndi khakhululo. Elekanyani zwino nga ha zve na ita, zve na vha no tea no zwi ita, zve zwa ni ita zwine na vha zwone ñamusi. Tshine tsha ni ita uri ni pfe no haþulwa, ñamusi, ndi nge na ita tshinwe tshithu mulovha. Naa matshelo tshi ðo vha mini? Tshi lugiseni ñamusi, huno ni ðo vhofholowa matshelo. Ni a vhona? Ni fanela u nanga. Naa ni nga zwi ita hani? "Nga lutendo, zwino ndi vhofholola tshinwe na tshinwe. Zwino ndi a vhofholola, huno liñwe ðuvha ndi khou ya Henengei."

Kha muðifho hu si kale,
Ri ðo þangana kha uvho havhu- . . .

Itonu luvha Murena muyani wañu zwino.

Kha muðifho hu si kale,
Ri ðo þangana na itsho Tshivhidzo tsho
nyadziwaho. (U tshimbila hu khou lemela,
fhedzi ri ðo þangana liñwe ðuvha.)

Kha Khotsi ashu o pfumaho a re nthi,
Ri do ñekedza tshiga tshashu tsha thendo,
U itela tshifhiwa tsha vhugala tsha lufuno
Lwawe,
Na phaþutshedzo dzi no khethefhadza
zwashu . . .

Ndi na vha Murena vha nyadziwaho vha si gathi, nga lutendo, ndi a nanga.

Kha muðifho (kha muðifho) hu si . . . (hu si
kale)
Ri ðo þangana kha uvho vhugabelo havhudí;
(hu si kale)
Kha muðifho (kha muðifho) hu si kale,
Ri ðo þangana kha uvho vhugabelo havhudí.
Hu na Shango li re . . .

Itonu Mu luvha. Uhu ndi u luvha.

. . . lutendo ndi nga vhona,

Nga lutendo ndi a ñinangela.

Oo, Khotsi u lindela . . .

¹⁴⁶ Ndi vhona whoþe vha Murena Hangei; Mukomana George, Mukomana Seward, vhakhethwa whoþe.

...u ri lugisela vhudzulo Henengei. (Ee,
Murena!)
Muđifho...

¹⁴⁷ Khotsi awe, Howard, Edward, khonani dzothe dzo aluwaho
dzo khethefhadzwaho dzo faraho Ndila, hangei murahu,
tshifhinga tshilapfu tsho fhiraho.

Kha muđifho (Ee, Murena!) hu si kale (hu si
kale),

Ri do ḥangana kha uvho vhugabelo havhuđi.

Ri do imba kha uvho havhu-... (Oo
Mudzimu!)

Nyimbo dza tshuni dza vhafhađutshedzwa,
(Vhugala kha Mudzimu!)

... a ri tsha do ḥungufhala,

Hu si na u femedikela phađutshedzo dza
afho Fhethu ha vhuawelo.

Kha muđifho, muđifho hu si... (hu si kale)

Ri do ḥangana kha uvho havhu-... .



NGA LUTENDO, MUSHE TSV58-0720M

(By Faith, Moses)

Hoyu Mulaedza nga Mukomana William Marrion Branham, u rangani
wo ḥewa nga Tshiisimane nga matsheloni a Swondaha, Fulwana 20, 1958,
Thabereneakeļeni ya Branham kha ja Jeffersonville, Indiana, U.S.A., wo dzhiwa
kha rekhodo ya theiphi ya maginete huno wa gandiswa u songo pfuhifhadzwa
nga Tshiisimane. Heyi ḥthalutshedzo ya Tshivenđa yo gandiswa huno ya
phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org